

四庫全書

史部

欽定四庫全書

皇朝文獻通考卷一百十四

宗廟考八

太廟

祫祭

臣等謹按我

國家行祫祭而未嘗行禘祭

聖祖仁皇帝朝監察御史李時謙疏請舉行禘禮下九卿

詹事科道會議禮部尚書張玉書等議曰臣等綜考禮制言禘者不一有謂虞夏禘黃帝殷周禘帝嚳皆配祭昊天於圜丘者有謂祖之所自出為感生帝而祭之於南郊者有謂圜丘方澤宗廟為三禘者先儒皆辯其非而言宗廟之禘又不一說有謂禘祭止及毀廟不及親廟者有謂長發之詩為殷之禘雍之詩為周之禘而親廟與毀廟皆兼祭者惟唐趙匡陸淳皆以為禘異於祫不兼羣廟王

者既立始祖之廟直推始祖所自出之帝而以始祖配之故名為禘至於三年一祫五年一禘經無明文其說始於漢儒而後之議禮者咸宗之漢唐宋所行禘禮亦莫考始祖之所自出止於五歲之中行一祫一禘兩大祭於其宗廟而已大抵夏商以前有禘之祭而其制未詳漢唐以後有禘之名而與祫無別惟周以后稷為始祖以帝嚳為所自出之帝而太廟之中原無帝嚳之位故祫祭不及

帝嘗至禘祭時乃特設帝嘗之位以稷配焉行於後代不能盡合故宋神宗諭廷臣議罷禘禮明洪武初御史答祿與權請舉禘祭衆議亦以為不必行詔從其議至嘉靖中乃立虛位祀皇初祖帝而以太祖配享事屬不經禮亦旋罷洪惟我

國家受

天顯命

世德相承定鼎之初追上

四祖尊稱以

肇祖原皇帝始基王迹故立廟崇祀自

肇祖始夫太廟之中以受命之君為太祖允宜特尊者也

我

太祖高皇帝功德隆盛與天無極自當為

太廟萬世之祖上而推所自出則締造之業

肇祖為最著今

太廟祭祀四益分祭於

前殿

後殿以各伸其尊歲暮祫享於

前殿以同將其敬一歲之中自

肇祖以下屢申裸獻仁孝誠敬已無不極五年一禘之祭  
不必舉行從之蓋自

世祖章皇帝肇舉祫祭一歲時享大禘煌煌乎典制明備  
矣而合食之禮實即推本

太宗文皇帝除夕享

廟之精意以垂則於萬年者也謹考祫祭之典彙於編

順治十六年七月

世祖章皇帝定

太廟祫祭禮是月壬戌都察院左副都御史袁懋功言禮

莫大於

宗廟孝莫大於祀先

太祖

太宗次第配享獨祫祭之禮闕焉未舉請



敕典禮諸臣廣稽舊典復歲暮祫祭之禮以彰孝治之隆

疏入

命禮部詳察典例以聞丙戌禮臣議覆請照會典舉行得  
旨是

臣等謹按覆准每歲暮日祫祭大建於二十九日  
小建於二十八日

十二月甲寅以歲暮行祫祭禮遣官祇告

太廟

臣等謹按此即禋祭前期之祇告也是次初行恭書之以見例而每歲禋祭

親詣行禮則彙紀於後

十七年三月

飭工部修造禋祭

神位器皿

康熙四十年十二月辛巳禋祭是日禮畢

聖祖仁皇帝諭內閣禮部太常寺曰朕自御極以來一切

祀典必敬謹齋戒躬親展祭以盡昭事之誠四十年於茲矣每當臨祭之時朕無一事不敬此禮部太常寺起居注官所共知從來祭祀登降起立莫不如常這次行禮將軍微覺頭眩朕之身體稍遜於前於此可見祀典關係重大朕恐精力偶有不周致敬心少間可以此意諭諸大臣等

雍正三年二月庚辰

世宗憲皇帝以

聖祖仁皇帝大喪三年禮終祫祭

太廟釋服即吉

祭文曰欽惟我

列祖受

天景命積功累仁締構鴻圖建我

皇考聖祖仁皇帝聖德神猷式廓

前列歷數綿長貽謀篤慶以大統付授於臣伏念

君親之恩如

天罔極三年以來祭祀朝會之禮勉從廷議以時舉行不  
最久曠惟於宮禁之中素服齋居想

音容而灑淚感霜露以增悽僣見愾聞銜哀致敬無時能  
釋瞻依之念祇默盡其思慕之心耿耿微誠當蒙

列祖昭鑒日月易邁倏值禪除諸臣合詞上言宜依禮經  
恭行祫祭昭告即吉謹涓良日薦獻

几筵於戲

德厚恩深莫罄終身之孺慕

功崇業盛思揚歷世之耿光伏冀

聖慈俯垂

歆格先是二年十二月己卯吏部尚書朱軾言

皇上至仁大孝居喪三年猶如一日今服制已滿請祫祭  
太廟即吉釋哀得

旨朕覽朱軾所奏當之甚愧朕受

皇考四十餘年顧復深恩罔極莫報諒陰三年祇以默盡  
一點私情非謂歷代帝王不能行之事朕能行之思欲

立法定制以垂令名也且如祭祀朝會大禮不容久曠者朕亦勉徇諸五大臣之請照常舉行惟有齋居素服悲哀思慕盡一己之誠於宮禁之中古人云禮之至者無文哀之深者無節朕自嗣統以迄於今撫時生感觸物增悽儉見愾聞潛然出涕情不容以自禁心不能以自覺遑論其合於古制否乎昔

世祖

聖祖皆以冲齡登極一時禮制容有未備設

世祖

聖祖踐阼之日已若朕躬之年則盡禮盡制必有朕所萬不能逮者今朕抱歎之處尚多敢云盡禮乎至所奏三年以來深山窮谷無不哀思戀慕過密八音等語此乃皇考六十餘年深仁厚澤浹髓淪肌四海臣民哀痛迫切感激思慕愈久不忘出於人心之自然非有所禁約而然也夫以薄海內外凡有知識之倫尚且哀慕不忘如此況躬為子臣欲報昊天罔極之德其終身哀慕復何



時能已耶朕之衷曲非欲表暴於人特因奏章過於稱揚朕心滋愧故畧為宣寫以示中外至是祫祭禮成回

宮又

諭順天府尹直省督撫朕惟古昔帝王以孝治天下誠以孝者天之經地之義民之則也故魯論云慎終追遠民德歸厚矣朕以眇躬繼承大統永惟

皇考聖祖仁皇帝顧復洪慈恩德罔極中心哀痛什伯恒情以日易月實所不忍特以

郊

廟大祀朝會重典不容久曠時亦勉從諸王大臣之請遵禮舉行惟於宮庭內素服齋居默盡此心每撫時觸景輒增悽愴優見愾聞之際哀發於中潛然出涕古人云禮之至者無文哀之深者無節實非有所做而行亦非欲以立法定制垂譽於天下後世也終身孺慕寧有已時今諸臣據二十七月即吉之文合詞公請祫祭釋服朕以禮制情勉允所請於雍正三年二月十二日祫祭

太廟釋服即吉伏念

皇考聖祖仁皇帝御極六十一年深仁厚澤普遍寰區  
賓天之日凡京畿直省海濱山陬士農工賈白叟黃童莫  
不號呼哀泣孺慕之誠三年有如一日今舉行吉禮應  
敷告天下朕嗣位以來惟日兢兢嚴恭寅畏不敢怠息  
庶幾克荷

皇考聖祖仁皇帝付託之重羣黎百姓受

皇考聖祖仁皇帝教育深恩當勉勵忠誠勤守職業言慈

言孝克友克恭農夫盡力於田畝工商致精於器用毋  
尚奢侈毋事游惰共期歸真還樸比戶可封以無負

皇考六十餘年培養漸摩之至德於朕奉先思孝之心實  
有賴焉該地方官通行曉諭俾薄海黎庶咸悉朕意故  
茲勅諭

八年十二月癸亥祫祭

太廟遣廣祿恭代先是己未大學士等奏本月二十九日

恭遇

太廟祫祭太常寺奏請

遣官恭代奉

旨朕親詣行禮臣等伏思

太廟殿宇正興工修理本月二十九日

皇上恭詣

奉先殿行禮與

太廟同伏祈

俯允太常寺所請仍

遣官恭代奉

旨遣廣祿恭代

乾隆二年十一月丁丑

皇上以

世宗憲皇帝大喪三年禮終祫祭

太廟釋服即吉

祭文曰欽惟我

列祖誕膺

眷命世德相承丕基式廓我

皇考世宗憲皇帝聖明繼緒敬紹

前徽累洽重熙垂光錫慶以大統付授於臣伏念纘承以  
來哀思時切

郊壇

宗廟之祀稽定制以恪循宴饗慶賀之儀却廷議而不舉  
萬幾任重每素服以臨軒罔極

恩深總齋居而灑涕歷三年如一日愴四序之遞遷服制

屆除禮臣上請恭行祫祭之典昭告即吉之期於戲  
生成莫報禮有盡而孺慕無窮

謨烈常昭運日新而紹聞彌切伏祈

聖鑒

俯賜格歆

臣等謹按

天子躬行三年喪肇自我

朝奮復古制茲恭紀合享即吉之禮敬惟



聖作於前

聖述於後是以發勲華之業於周孔之心

孝治彌隆所從來者深且厚矣

三十七年十一月丁未重定

太廟儀是日奉

諭朕御極以來夙夜孜孜惟以敬

天報本為念每屆

郊

壇大祀必躬親昭事用展悃誠三十七年於茲未敢稍懈  
向來詣

壇行禮日由降輦進至拜位以迄薦獻禮成中間履蹈升  
降儀節最為繁重朕惟虔恪以臨無有愆忽今自念  
春秋已閱六旬其於動容周旋差不能及前此之從  
容中節幸朕康彊如昔仍得祇循儀度經久不渝第  
思敬意所持貴乎内外交養若精力過勞恐心志轉  
未能純一與其拘於行走末節弗克致其寅恭且或

因此而憚於親詣何如酌省步陟煩文得專於升輦  
告備時肅將劄密更足以嚴對越而抒誠懃乎自古  
履帝位而臻壽考者載籍曾不多覩我朝景運遐昌  
化成熙洽上荷

昊蒼鴻眷

列祖貽庥朕迺甲巳逾勵勤未怠真可謂國家祥瑞之大  
者茲特降此旨非敢自惜其勞惟期要之於久從此  
更為法守且知朕六十歲以前不憚經曲之繁六十

歲以後冀申專一之敬初無二致也所有升降次數及降輦步行之遠近無關大體諸儀節應如何酌定合宜之處著大學士會同各該衙門敬謹詳悉妥議具奏尋大學士等遵

旨議覆凡歲暮祫祭

太廟

皇上親詣

肇祖原皇帝位前上香至

列祖

列宗位前請

派皇子親王分詣同時上香畢仍各復位行禮如常儀

詣

廟時

皇帝乘輦由闕左門入西北門至

太廟北門外

御禮輦入左門循東牆行至戟門外東階下降輿步入

左門升陞進

殿行禮禮成升輿亦如之如此敬謹詳定似於繁文精  
意斟酌適中而於我

皇上展敬之心益昭純壹奉

旨依議

世祖章皇帝順治十六年定祫祭

太廟

親詣行禮二

順治十六年十二月乙卯  
十七年十二月己酉

聖祖仁皇帝在位六十一年禘祭

太廟

親詣行禮三十二

順治十八年十二月癸酉  
康熙元年十二月戊辰

二年十二月壬戌  
三年十二月丙戌

四年十二月庚辰  
五年十二月甲戌

六年十二月戊戌  
七年十二月癸巳

九年十二月辛亥  
十年十二月丙午

十一年十二月庚子  
十二年十二月甲子

十三年十二月戊午  
十四年十二月壬午

十五年十二月丙子  
十六年十二月辛未

十七年十二月乙未  
十八年十二月己丑

十九年十二月癸丑  
二十年十二月丁未

二十二年十二月乙丑  
二十四年十二月甲寅

二十五年十二月戊寅  
三十二年十二月丁酉



三十六年十二月乙亥

三十七年十二月己巳

三十八年十二月癸巳

三十九年十二月丁亥

四十年十二月辛巳

四十一年十二月癸未

四十二年十二月辛丑

四十三年十二月辛酉

世宗憲皇帝在位十三年祫祭

太廟

親詣行禮十一

雍正元年十二月甲戌

三年十二月壬辰	四年十二月丙戌	五年十二月庚戌	六年十二月甲辰	七年十二月戊辰	九年十二月丁巳	十年十二月辛巳	十一年十二月丙子	十二年十二月庚午
---------	---------	---------	---------	---------	---------	---------	----------	----------

皇上登極以來乾隆元年至五十年祫祭

太廟

親詣行禮四十九

雍正十三年十二月甲午  
乾隆元年十二月戊子

二年十二月壬子

三年十二月丙午

五年十二月乙丑

六年十二月己未

七年十二月甲寅

八年十二月丁丑

九年十二月辛未

十年十二月丙寅

十一年十二月己丑

十二年十二月甲申

十三年十二月戊申

十四年十二月癸卯

十五年十二月丁酉

十六年十二月辛酉

十七年十二月乙卯

十八年十二月己酉

十九年十二月癸酉

二十年十二月丁卯

二十一年十二月辛卯

二十二年十二月丙戌

二十三年十二月辛巳

二十四年十二月乙巳

二十五年十二月己亥

二十六年十二月癸巳

二十七年十二月丁巳

二十八年十二月辛亥

二十九年十二月乙巳

三十年十二月己巳

三十一年十二月甲子

三十二年十二月戊子

三十三年十二月癸未

三十四年十二月丁丑

三十五年十二月辛丑

三十六年十二月乙未

三十七年十二月己丑

三十八年十二月癸丑

三十九年十二月丁未

四十年十二月辛未

四十一年十二月丙寅

四十二年十二月庚申

四十三年十二月甲申

四十四年十二月戊寅

四十五年十二月壬申

四十六年十二月丙申

四十七年十二月辛卯

四十八年十二月乙酉

五十年十二月甲辰

禘祭儀歲除前一日奉

後殿

中殿

列聖

列后合食

前殿致齋祇牲書祝版祇祝版祇割牲祭前諸儀並準  
時饗先一日遣官各一人分詣

後殿

中殿以大裕告太常寺豫具祝版二送內閣恭書奉詣  
太廟神庫潔備器陳至日雞初鳴太常寺卿率屬入

廟恭展

後殿

中殿神幄每案薦鹿脯鹿醢兔醢棗榛葡萄桃實蓮實  
鑪燈具設案一於殿中少西供祝版司祝立於案  
西東面設案二於殿內左右分奠香帛尊爵如常

祭之數司香司帛司爵各立於案後糾儀御史二人立司爵之南均東西面太常寺典儀一人立殿

東檐下西面

後殿

中殿同未明遣官祇俟於街門內贊引太常寺贊禮郎  
後殿

中殿各二人豫俟於殿垣門外均朝服贊明遣官進廟  
南門及戟門均由右門入經庭西詣



後殿

中殿贊禮郎引入升自西階至中階上拜位前北面立

典儀贊執事官各供迺職

以下禮儀節次皆典儀唱贊中殿後殿同

贊禮郎贊進引遣官就拜位立

凡遣官進退行禮皆贊皆引中殿

殿同後司香奉香盤進至各香案前恭候

後殿遣官詣

肇祖原皇帝香案前跪司香跪奉香遣官上炷香三上辯

香興以次詣

興祖直皇帝

景祖翼皇帝

顯祖宣皇帝案前上香如前儀畢復位贊跪叩興行三跪

九叩禮

中殿遣官詣

太祖高皇帝香案前跪上香以次詣

太宗文皇帝

世祖章皇帝

聖祖仁皇帝

世宗憲皇帝香案前跪上香畢復位行禮儀同均出入殿

右門司帛奉籩司爵奉爵詣

列聖案前行初獻禮司帛跪獻籩奠於案三叩興司爵立  
獻爵奠於墊中各退司祝詣祝案前跪三叩興奉  
祝版跪案左贊跪遣官跪司祝讀祝文

後殿祝辭曰維某年月日

孝孫嗣皇帝御名謹遣某官某敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲者歲暮特修祫祭之禮於

金定四庫全書  
卷一百十四  
太廟恭迎同格饗祀伏惟

鑒知謹

告

中殿祝辭曰維某年月日

孝孫嗣皇帝御名謹遣某官某敢昭告於

太祖承天廣運聖德神功肇紀立極仁孝睿武端毅欽安

弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道  
顯功文皇帝

孝端正敬仁懿哲順慈僖莊敏輔天協聖文皇后  
孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁  
純孝章皇帝

孝惠仁憲端懿慈淑恭安純德順天翊聖章皇后  
孝康慈和莊懿恭惠溫穆端靖宗天育聖章皇后

聖祖合天弘運文武睿哲恭儉寬裕孝敬誠信中和功德  
大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠

憲皇帝

孝敬恭和懿順昭惠佐天翊聖憲皇后

孝聖慈宣康惠敦和敬天光聖憲皇后曰茲者歲暮特修  
祫祭之禮恭迎

肇祖原皇帝

原皇后

興祖直皇帝

直皇后

景祖翼皇帝



翼皇后

顯祖宣皇帝

宣皇后同格饗祀伏惟

鑒知謹

告讀訖興奉祝版跪安於

神位前篚內三叩退遣官三叩興行亞獻禮司爵詣

列聖案前獻爵於左行三獻禮司爵獻爵於右均如初儀

遣官行三跪九叩禮興乃送燎司祝司帛詣

神位前咸跪三叩司祝奉祝司帛奉篚興司香詣香案前  
跪奉香興以次恭送燎所遣官避立拜位西東面  
俟過復位既送燎贊禮畢引遣官仍降西階退

後殿

中殿同

右祇告

是日太常寺卿率屬潔蠲

前殿藉以稊薦恭設

列聖

列后神座於

殿內

肇祖原皇帝居中

原皇后配

興祖直皇帝左

直皇后配

景祖翼皇帝右

翼皇后配

顯祖宣皇帝次左

宣皇后配

太祖高皇帝次右

孝慈高皇后配均南向

太宗文皇帝東位西向

孝端文皇后

孝莊文皇后配

世祖章皇帝西位東向

孝惠章皇后

孝康章皇后配

聖祖仁皇帝東次西向

孝誠仁皇后

孝昭仁皇后

孝懿仁皇后

孝恭仁皇后配

世宗憲皇帝西次東向

孝敬憲皇后

孝聖憲皇后配展兩廡配享位如時享之儀

右設神位

祭日日出前七刻司祝一人恭奉祝文安設於

前殿祝案上如儀公一人率宗室官八人詣

後殿上香行禮如時享奉請

神位之儀恭奉四室

帝

后神位於寢室出中門降階太常寺官十人前引由內垣

中門循

中殿東出王一人率宗室官十五人詣

中殿上香行禮儀同恭奉五室

帝

后神位出寢室歿

後殿神位陟階至

中殿神路中南向前行

中殿神位乃以位隨行入

前殿依序奉安於各

寶座上如儀退

右請神位

祝辭曰維某年月日

孝孫嗣皇帝御名敢昭告於

肇祖原皇帝



原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖承天廣運聖德神功肇紀立極仁孝睿武端毅欽安

弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道  
顯功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁

純孝章皇帝

孝惠仁憲端懿慈淑恭安純德順天翊聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德

大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠  
憲皇帝

孝敬恭和懿順昭惠佐天翊聖憲皇后

孝聖慈宣康惠敦和敬天光聖憲皇后曰氣序已周歲事

告成謹以牲帛醴齊粢盛庶品特修大禋禮於

太廟用申追感之情伏惟尚

饗

右祝辭

迎神樂奏開平之章

初獻樂奏肅平之章

亞獻樂奏協平之章

終獻樂奏裕平之章

徹饌樂奏誠平之章

還宮樂奏成平之章

樂詞俱詳  
見樂考

右樂章

其餘樂舞及牲帛器數

皇帝行禮儀節祀官陪位均如時享儀

皇朝文獻通考卷一百十四

欽定四庫全書

皇朝文獻通考卷一百十五

宗廟考

九

太廟

功臣配享

臣等謹按從享

廟廷諸臣之名已見於前時享儀設神座文中茲叙其蒙國厚恩列廡先後之歲永昭勲伐焉



崇德元年四月丙戌以武功郡王禮敦巴圖魯配享

廟廷

王配妃

同日以直義公費英東弘毅公額亦都配享

廟廷

臣等謹按一王二功臣之從享備見於

盛京

太廟

太宗文皇帝諏吉丙戌奉安文中迨順治元年

世祖章皇帝定鼎

京師九月壬子奉

太祖高皇帝

孝慈高皇后

太宗文皇帝神位於

太廟是日從事以入史臣祇載有捧二功臣牌位儀節恭

繹

太宗文皇帝肇建

太廟祭告

太祖山陵文追尊

四祖安設

神位即繼設

伯祖禮敦巴圖魯配位然後及於功臣費英東額亦都

配位親賢之序秩然則順治元年九月壬子武功

郡王牌位當先二功臣以入而不列於二功臣之

列也今

前殿東廡多羅通達郡王列第一位居武功郡王之右  
則復以親序云

順治元年以武勲王揚古利配享

廟廷

九年六月丙寅追謚功臣圖爾格為忠義公圖賴  
為昭勲公配享

廟廷仍立碑於其墓

十一年三月乙卯以多羅慧哲郡王額爾袞多羅

宣獻郡王界堪多羅通達郡王雅爾哈齊配享

廟廷

王配  
並配

雍正二年正月庚辰以大學士一等公謚文襄圖

海配享

廟廷圖海子孫等具疏謝

恩

世宗憲皇帝諭曰此出自

聖祖皇考所遺恩旨爾祖茂著功勲爾等具法祖報効各

相奮勉

八年以和碩怡賢親王允祥配享

廟廷五月丙子

世宗憲皇帝諭曰怡親王忠孝性成端方清直當年事我  
聖祖皇考敬謹恪恭克盡子臣之道深蒙

皇考慈愛而王慎密有加小心安分此中外所共知者逮  
朕御極之初命王總理事務王夙夜匪懈公爾忘私精  
白一心無欺無隱其殫竭忠誠贊襄於密勿之地者八

年有如一日至於軍務機宜度支出納興修水利督領  
禁軍凡宮中府中事無巨細皆王一人經畫料理無不  
精詳妥協符合朕心無煩朕之指示其有關於吏治民  
生之利弊有聞必奏每語必詳而為國家保護善類培  
養人才一片篤摯真切之念形於寤寐是以雍正四年  
特書忠敬誠直勤慎廉明八字以賜比時降旨朕深知  
王之德洞悉王之心覺此八字實不能盡王之美善不  
過就王事朕之大端而言耳蓋王實能佐朕治安天下

朕實賴王翼贊昇平且王居心之和平公正行事之寬厚仁慈皆足享遐齡而綿壽算豈朕有獲罪於

上天

皇考之處而奪我忠誠輔弼之賢王若是之速耶惟王為聖祖皇考之令子為我朝

列祖之功臣允宜配享

太廟列於從前建立大功諸王之次庶於王之功德相副且可上慰



列祖

皇考在天之心

臣等謹按是月壬午

諭凡告

廟典禮所關有書王名之處仍用原名今於王配食  
列祖之鉅典遵書原名

乾隆十年以大學士鄂爾泰配享

廟廷先是雍正十三年八月二十四日奉

上諭雍正八年六月內欽奉

皇考諭旨張廷玉器量純全抒誠供職其纂修

聖祖仁皇帝實錄宣力獨多每年遵旨繕寫上諭悉能詳  
達朕意訓示臣民其功甚鉅鄂爾泰志秉忠貞才猷經  
濟安民察吏綏靖邊疆洵為不世出之名臣此二人者  
朕可保其始終不渝萬年之後二臣著配享

太廟欽此朕欲將

皇考此旨入於

遺詔內頒發大學士鄂爾泰張廷玉屢行固辭朕惟知遵奉

皇考聖旨復再三降旨而鄂爾泰張廷玉又懇切奏請稽古典禮然朕意以為必應入於

遺詔今鄂爾泰張廷玉既以稽古典禮奏請著總理事務莊親王果親王會同徐本慶復鄂善魏廷珍備查古典詳議具奏嗣王大臣等議覆臣等伏查帝王升祔太廟必有配享之臣所以表德酬勲垂諸不朽也我

大行皇帝統御寰區勤求治理深仁厚澤萬國均霑至於  
優恤大臣尤為篤厚凡有寸長足錄無不仰叨  
恩獎而於公忠體國之臣尤必錫之

殊榮隆以

曠典如大學士鄂爾泰張廷玉者久在

聖明洞鑒之中是以特書

諭旨密封內廷臣等伏查明太祖洪武二年以李善長等

七人入太廟配享再查歷代遺詔史不備載而當

洪武之時即命李善長等從祀自必仿倣前代曾有之成規理合謹遵

諭旨繕入

遺詔臣等愚見如此是否有當伏候

聖訓奉

諭旨王大臣所議是欽此至是年春大學士鄂爾泰病故四月丙辰

皇上諭大學士鄂爾泰公忠體國直諒持躬久任邊疆

茂著惠績簡預機務思日贊襄才裕經綸學有根柢  
不愧國家之柱石允為文武之儀型嚮用方殷倚畀  
正切去冬忽嬰痰疾朕心廑念選醫調治存問日頒  
今春病勢有加朕親往視加銜太傅冀其漸次獲痊  
不意竟至不起朕心深為震悼親臨祭奠特旨輟朝  
二日披覽遺疏具見忠君愛國之惓忱尤為追念不  
置昔我

皇考有配享

太廟之遺詔著該部遵奉舉行

十五年以定邊左副將軍固倫額駙喀爾喀扎薩克和碩超勇襄親王策凌配享

廟廷二月己丑

皇上諭定邊左副將軍固倫額駙喀爾喀扎薩克和碩超勇襄親王策凌以名藩尚主班崇懿戚在

皇祖時即已宣力邊陲勲猷茂著

皇考眷注優隆晉爵親王任專閫外身先血戰殄靖狡寇

偉績丕昭益勤忠蓋朕以王

兩朝勲舊倚毘彌殷寄重長城倍加渥澤前聞邁疾適命  
賜藥選醫令伊子馳驛侍奉復遣侍衛前往存問方  
期漸就痊可忽聞溘逝深為震悼特用加恩賜銀一  
萬兩治喪命貝勒羅卜藏侍衛德山往奠茶酒允伊  
子所請扶櫬來京合窆固倫公主園寢到京之日朕  
親臨奠醑一應齊集典禮俱照宗室親王典禮行考  
謚建碑具如儀式自昔功臣勲戚脩食廟廷以王之



功宜得配享

太廟雖蒙古親藩從未有與配享者朕以王功在王室名勒旗常簡在久孚宜膺特典且令衆蒙古知朕崇獎賢勞中外一體俾共知感奮益切勸勉並照和碩怡賢親王之例崇祀賢良祠永垂秩祀以示朕酬庸展親優賢篤舊至意

二十年以致仕大學士張廷玉配享

廟廷四月壬子

皇上諭致仕大學士張廷玉歷事

三朝宣力年久勤勞夙著受恩最深前以其年屆八旬精神衰憊特加體恤准令退休實朕優念老臣本懷至於配享

太廟一事係奉

皇考世宗憲皇帝遺詔遵行而恩禮攸隆則非為臣子者所可要請及朕賜詩為券又不親赴宮門謝恩自不得不示以薄譴用申大義今張廷玉患病溘逝要請

之愆雖由自取

皇考之命朕何忍違且張廷玉在

皇考時勤慎贊襄小心書諭原屬舊臣宜加優卹應仍謹

遵

遺詔配享

太廟以彰我國家酬獎勤勞之盛典

四十三年正月辛未

命禮親王代善睿親王多爾袞鄭親王濟爾哈朗豫親

王多鐸肅親王豪格克勤郡王岳託配享

太廟是日奉

諭旨睦親彰善王政宜先繼絕昭忠聖經所重朕自臨  
御以來間日恭閱

列祖

列宗實錄一冊因得備知

祖宗創業艱難及爾時懿親蓋臣勤勞佐命底定中原偉  
伐殊功實為從古所未有而當時策勲錫爵榮號崇

封所以酌答者本從優厚迨其後或有及身緣事旋被降削者或有子孫承襲更易封號者迄今平情準理若不為之溯述闡揚追復舊恩于心實有所未愜因念睿親王多爾袞當開國時首先統衆入關掃蕩賊氛肅清宮禁分遣諸王追殲流寇撫定疆陲一切創制規模皆所經畫尋即奉迎

世祖車駕入都定國開基以成一統之業厥功最著顧以攝政有年威福不無專擅諸王大臣未免畏而忌之

遂致沒後為蘇克薩哈等所搆授款于其屬人首告  
誣以謀逆經諸王定罪除封其時我

世祖章皇帝實尚在冲齡未嘗親政也夫睿王果萌異志  
則方兵權在握何事不可為且吳三桂之所迎勝國  
舊臣之所奉止知有攝政王耳其勢更無難號召即  
我滿洲大臣心存忠篤者自必不肯順從然彼誠圖  
為不軌無難潛鋤異已以逞逆謀乃不於彼時因利  
乘便直至身後以歛服僭用明黃龍袞指為覬覦之

証有是情理乎況英親王阿濟格其同母兄也於追捕流賊回京時誣報李自成身死且不候

旨班師睿王即遣員斥責其非並免王公等往迎之禮又因阿濟格出征時脅令巡撫李鑑釋免逮問道員及擅至鄂爾多斯土默特取馬令議其罪降為郡王平日辦理政務秉公持正若此是果有叛志無叛志乎又

實錄載睿王集諸臣貝勒貝子公大臣等遣人語曰今觀諸

王貝勒大臣但知諂媚於余未見有尊崇

皇上者予豈能容此昔

太宗升遐嗣君未立英王豫王跪請予即尊位予曰爾等若如此言予當自刎誓死不從遂奉

皇上繼承大統似此危疑之時以予為君子尚不可今乃不敬

皇上而媚予予何能容自今以後有盡忠

皇上者予用之愛之其不盡忠不敬事



皇上者雖媚予予不爾宥也且云

太宗恩育予躬所以特異於諸子弟者蓋深信諸子之成立惟予能成立之每覽

實錄至此未嘗不為之墮淚則王之立身行事實能篤忠  
盡感

厚恩深明君臣大義尤為史冊所罕覩使王彼時如宋太宗之處心積慮則豈肯復以死固辭而不為邪說搖惑耶乃令王之身後久抱不白之冤于泉壤心甚憫

焉假令當時王之逆迹稍有左驗削除之罪果出于我

世祖聖裁朕亦寧敢復翻成案乃實由宵小奸謀構成冤獄而王之政績載

實錄者皆有大功而無叛逆之跡又豈可不為之昭雪乎  
昨于乾隆三十八年因其瑩域久荒特勅量為繕葺  
並准其近支以時祭掃然以王之生平盡心王室尚  
不足以慰彼成勞朕以為應加恩復還睿親王封號

追謚曰忠補入

王牒並令補繼襲封照親王園寢制度修其塋墓仍令太常春秋致祭又如豫親王多鐸從睿親王入關肅清京輦即率師西平流寇南定江浙實為開國諸王戰功之最乃以睿親王之誣獄株連降其親王之爵其後又改封信郡王雖至今承襲罔替但以王之勲績超邁等倫自應世祚原封以彰殊眷豈可以風影微青輒加貶易乎朕以為應復其原封又諸王中披堅

執銳拓土開疆共成一統之業者如禮親王代善後  
改封康親王鄭親王濟爾哈朗後改封簡親王肅親  
王豪格後改封顯親王克勤郡王岳託後改封平郡  
王當時俱茂著壯猷克昭駿烈載在宗盟今具子孫  
所襲均非始封之名外人不知妄疑宗藩當國家締  
造時有大勲勞而後裔均不得長延帶礪似為闕典  
何以垂貽奕禩示醇庸追本之義朕以為應復其原  
號著交軍機大臣會同宗人府悉心妥議具奏再配

享

太廟諸王僅有通達武功慧哲宣獻四郡王其

太祖

太宗

世祖時戮力行間櫛風沐雨之親藩如前所舉數人皆未  
之及蓋由當時議禮親王各懷私意遂爾沒其勛伐  
不得同侑馨香豈足以彰公道所有睿親王禮親王  
鄭親王豫親王肅親王克勤郡王俱著補署牌位配

享

太廟用以妥功宗而昭渥典并將此通諭知之欽此嗣宗  
人府會同軍機大臣議奏禮親王睿親王鄭親王  
豫親王肅親王克勤郡王奉

旨配享

太廟所有東廡序次禮親王應在宣獻郡王之下睿親王  
等以次列叙奉

諭旨依議

功臣配享入

廟儀禮部承

旨具疏行工部製神主龕座祭案具製成擇吉鐫字如  
式恭遇四時大饗前期遣官一人祇告

太廟如常儀是日太常寺官入

廟設龕座於配饗之次陳俎豆鑾儀衛設采亭於工部堂  
露臺上奉神主遣官一人

諸王以郡王功臣以大臣

詣工部奉

主置采亭內民校舁行前列御仗

王吾仗功臣引仗

自工

部中門出鴻臚寺官二人乘馬前引遣官從至東

長安門

王至  
天安門

御仗采亭止遣官自亭奉主鴻臚

寺官二人導引由東長安左門入

端門左門至

太廟戟門右門

自街門入  
皆由右出

鴻臚寺官止太常寺官引至甬

道右拜位

王階上功  
臣階下

北面立遣官置主於拜位代

行三跪九叩禮畢奉神主興奉安於配享之次

王東

應功臣  
西廡

行三叩禮退



皇朝文獻通考卷一百十五

欽定四庫全書

史部

皇朝文獻通考卷一百十六至  
八至

府丞臣龔駿文覆勘

總校官中書臣孫溶

欽定四庫全書

皇朝文獻通考卷一百十六

宗廟考

奉先殿

順治十三年十二月

世祖章皇帝命建

奉先殿

景運門之東北為

奉先殿西門曰

誠肅門正門曰

奉先門

前殿

後殿均九間南嚮如

太廟寢制中為堂以聯前後繚以周垣左列

神庫前列

神厨

臣等謹按是月戊戌

世祖章皇帝諭禮部朕考往代典制歲時致享必於

太廟至於晨昏謁見朔望薦新節序告虔聖誕忌辰行禮

等事皆另建有奉先殿今制度未脩孝思莫伸朕心歎

然爾部即察明舊典具奏嗣經部奏准以明年正月庚

午興工

十四年正月癸亥定初安

奉先殿神位祭儀禮部奏初奉安

神位於

奉先殿

皇上親詣致祭內大臣侍衛內府官隨行禮太常寺贊禮

官贊禮樂舞生作樂是日早內府官陳設祭品於  
各

神位前執事官贊禮官樂舞生各司其事內大臣侍衛內

府官咸朝服詣

奉先殿門外兩傍序立候陳設畢

上御禮服陞輿至設立

神位處降輿詣各

神位前一跪三拜恭請

神位捧各

神位內府官一跪三叩奉安各

神位於亭內畢

上行一跪三拜禮捧

神位官隨行禮畢內府官舉

神位亭前行由中門出詣

奉先殿

上乘輿隨行內大臣侍衛內府官俱於

奉先殿門外跪迎

上至

奉先殿門外降輿隨

神位亭入內大臣侍衛內府官隨

上至



奉先殿院中分班侍立安

神位亭於

奉先殿丹陛畢引禮官導

上詣

神位前行一跪三拜禮恭捧

神位內府官隨各詣

神位前跪三叩捧

神位隨

上詣

前殿奉安

神位畢

上行一跪三拜禮捧

神位官隨行禮畢退

上就拜位立贊禮官贊樂舞生就位執事官各司其事引

禮官奏就位導

上進前立贊禮官贊迎神協律郎贊奏開平之章樂作引

禮官贊跪叩興

上行三跪九拜禮興內大臣侍衛內府官隨行三跪九叩

禮畢樂止贊禮官贊獻帛行初獻禮協律郎贊奏  
壽平之章樂作司帛官捧帛詣獻帛案東傍立司  
爵官捧爵詣各

神位東西傍立引禮官贊詣前捧帛官跪

上詣帛案前引禮官贊跪

上跪贊獻帛

上受帛獻於

神位前案上興引禮官導

上詣獻爵處捧爵官跪引禮官贊獻爵

上立受爵獻於

神位前案上引禮官贊如獻帛儀次第於各

神位前獻畢

上復拜位立樂止贊禮官贊行亞獻禮協律郎贊奏吉嘉平

之章其獻爵如初獻儀樂止贊禮官贊行終獻禮

協律郎贊奏雍平之章其獻爵如亞獻儀畢樂止  
贊禮官贊徹饌協律郎贊奏熙平之章樂止贊禮  
官跪贊禮畢

陞宮即跪處三叩退立協律郎贊奏成平之章引禮官贊  
跪興叩

上行三跪九拜禮興內大臣侍衛內府官隨行禮樂止贊  
禮官贊捧帛詣燎位捧帛官詣

神位前跪三叩捧帛送燎引禮官導

上退立於東西向捧帛過引禮官導

上復位立候帛燎畢引禮官贊禮畢導

上出

殿樂作

上出

殿立於簷下東傍西嚮內大臣侍衛內府官侍立兩傍

樂止俟供獻等物徹畢

上復入

殿詣

神位前跪三拜恭捧

神位捧各

神位內府官詣所捧

神位前跪三叩恭捧

神位隨

上送至

後殿內奉安

神位捧

神位官亦奉安各

神位

上行一跪三拜禮捧

神位官各於

神位前一跪三叩畢

上出陞輿還

宮以後



親詣致祭俱行家人禮內大臣侍衛內府官不與陪祀太  
常寺贊禮官樂舞生俱不用應令內府官贊禮作  
樂如前行禮致祭之先

上親請

神位奉安

祀殿祭畢

上仍親奉安

後殿行禮其元旦冬至歲暮

皇太后萬壽

皇上萬壽係大節諸冊封係大禮及月朔望俱應

親詣致祭內府官贊禮作樂其供獻應與

太廟大祀儀同立春上元四月初八端陽重陽係尋常節

親詣致祭不贊禮作樂忌辰清明霜降十月朔係哀慕日

期

親詣致祭不贊禮作樂七夕不致祭止如常供獻中元中

秋係望日常祭日期不必重行每月隨時薦新

上躬詣供獻但係常例供獻不必請

神位於

前殿即於

後殿供獻

上享

太廟或祭畢俱應上香燭於

奉先殿行躬告禮

上親詣

奉先殿行祭禮之期如遇

親祭

壇

廟應遣內府官一員於

奉先殿行祭禮如

上不親詣

壇

廟遣官致祭

上仍應親詣

奉先殿行禮致祭得

旨

奉先殿初次行禮宜用祝文餘俱如儀

十一月

奉先殿告成恭奉

太祖承天廣運聖德神功肇紀立極仁孝武皇帝神主

孝慈昭憲純德貞順成天育聖武皇后神主

太宗應天興國弘德彰武寬溫仁聖睿孝文皇帝神主  
孝端正敬仁懿莊敏輔天協聖文皇后神主奉安

奉先殿是日

世祖章皇帝親詣恭安

神位讀祝大饗如正月所定祭儀行

十七年三月辛巳定

奉先殿祫祭禮先是辛未

諭禮部

奉先殿祀

太祖

太宗神位未及併祀

四祖於朕孝思未展今稽舊制歲終祫祭之外有奉先殿祫祭之禮以後元旦

皇太后萬壽及朕壽節俱照例祭告奉

太廟後殿

四祖神牌於

奉先殿與

太祖

太宗合享位次照

太廟祫祭禮祀畢仍恭迎

神牌於

太廟後殿至是禮部議奏

奉先殿祫祭禮

四祖神位座次照



太廟歲終祫祭禮祭前一日太常寺奏請遣官一員祇告  
太廟禮儀院奏請遣官一員祇告

奉先殿祭日遣官八員恭請

四祖暨

后神牌自

太廟迎入

奉先殿祭畢仍恭送

神牌還

太廟後殿從之

五月改建

奉先殿是月壬申

諭工部

奉先殿享祀

九廟稽考往制應除東西夾室行廊中建敞殿九間斯合制度前興工時該衙門未加詳察連兩夾室止共造九間殊為不合今宜於夾室行廊外中仍通為敞殿九間

以合舊制爾部即會同宣徽院詳議並擇興工日期具  
奏

八月己酉以

追封

皇貴妃為

皇后遣官祇告

奉先殿是月壬寅

皇貴妃薨甲辰

世祖章皇帝諭禮部皇貴妃董鄂氏於八月十九日薨逝  
奉

聖母皇太后諭旨皇貴妃佐理內政有年淑德彰聞宮闈  
式化脩爾薨逝予心深為痛悼宜追封為皇后以示褒  
崇朕仰承

慈諭特用追封加之謚號謚曰孝獻莊和至德宣仁溫惠  
端敬皇后其應行典禮爾部詳察速議具奏丙午禮部  
議奏應撰玉

冊玉

寶並造香

冊香

寶

謚號祿用黃絹欽天監擇吉遣官祇告

奉先殿是日即行

追封禮越三日具

冊

寶

追封

冊文曰朕惟治隆內則史稱淑德之祥化始深宮詩誦徽  
音之嗣歷稽往牒咸有嘉謨若夫睿質夙昭允協符於  
坤極榮名未脩宜追錫於瑤編爰展哀悼以彰惠問爾  
皇貴妃董鄂氏肅雍德茂淑慎性成克令克柔安貞叶  
吉惟勤惟儉靜正垂儀孝養孔虔愉悅順

慈闈之志恪共彌劬贊襄端淑寢之風方期永式於璇房

詎意俄升夫仙馭凡茲九寓同深月掩之驚矧余一人  
益重鑑亡之痛嗟掖庭之失助傷令範之云遐露泣風  
迴感淒清於素節幃虛殿迴悵宵邈於雲程不褒琬琰  
之章曷著珩璜之度是以

慈懷殷眷

懿命重申朕仰奉

德音特隆殊典追封為皇后錫之玉冊玉寶載加顯號用

表遺徽謚曰

孝獻莊和至德宣仁溫惠端敬皇后嗚呼彤史徒馨恫音  
容之遂隔丹綸用賁顧禴翟而增悲榮哀之禮斯宗軫  
悼之思逾切弘茲寵制貽厥芳型

寶文曰

孝獻莊和至德宣仁溫惠端敬皇后之寶

臣等謹按

孝獻莊和至德宣仁溫惠端敬皇后神位奉安於

孝陵饗殿歲時配食如儀茲特紀



追封之祭

奉先殿而

冊文

寶文亦恭錄於右

十八年正月

聖祖仁皇帝定

奉先殿祭典是月癸亥

諭禮部及議政王貝勒大臣等禁中設立

上帝壇

奉先殿著查歷代有無舊例定議具奏尋議覆歷代舊制

祇有冬至祀

天於南郊宮中

上帝壇應請罷祭至

奉先殿應照前明洪武三年例朝夕焚香朔望瞻拜時節

獻新生忌致祭用常饌行家人禮從之

十一月己亥恭奉

世祖體天隆運英睿欽文大德弘功至仁純孝章皇帝神  
主升祔

奉先殿是日升祔

太廟禮成

聖祖仁皇帝詣

奉先殿奉安

神位行大饗禮如儀

康熙元年四月丙辰以恭加上

太祖高皇帝

孝慈高皇后

太宗文皇帝

尊諡修飾

神牌安奉

聖祖仁皇帝親詣行禮

六年十一月己未恭奉

孝康慈和莊懿恭惠崇天育聖皇后神主入

奉先殿先是七月己未福建道御史常錫印疏言

慈和皇太后誕育

聖躬既上

尊號而

神牌猶奉於

陵寢

廟祀大典未聞議及請

勅禮部詳稽舊典崇祀擇吉舉行時禮部尚書黃機同日

上請

命一併議奏九月乙巳禮部會同內院恭議

孝康慈和莊懿恭惠崇天育聖皇后神牌奉入

奉先殿應於

世祖章皇帝神位之右奉安得

旨是是日

聖祖仁皇帝親詣行禮

九年七月丁卯恭奉

孝康慈和莊懿恭惠崇天育聖章皇后

奉先殿是日

聖祖仁皇帝御禮服恭捧

神牌奉安致祭行禮如常儀

十四年正月己卯升祔

仁孝皇后神主於

奉先殿先是十三年五月辛未

聖祖仁皇帝諭禮部皇后赫舍里氏作配朕躬已經十載

上事

太皇太后

皇太后克盡誠孝佐朕內治尤極敬勤節儉居身寬仁逮  
下宮闡式化淑德彰聞茲於康熙十三年五月初三日  
崩逝惓懷懿範痛悼彌深宜有稱謚以垂永久著內閣  
翰林院會同擬奏尋恭議上

大行皇后

尊謚曰



仁孝皇后得

旨是六月己未遣官告

廟庖申

聖祖仁皇帝素服御

太和門遣和碩康親王傑書和碩莊親王博果鐸齎  
冊寶詣鞏華城

冊謚

大行皇后

皇帝制曰朕惟王化肇於閨門洵藉內庭之助陰教成於  
宮壺尤資后德之賢故皇英嬪而帝道興任姒歸而王  
圖永緬稽淑行載籍攸存惟翬服之有光斯彤管其紀  
盛聿彰令聞爰著徽稱皇后赫舍里氏毓自名門躬全  
懿範作朕元配正位中宮慈惠本乎性成柔嘉惟則溫  
恭篤於天賦禮度攸嫻主雅化於閨闈表芳型於海宇  
勤

兩宮之孝養婉以承顏遇九御以寬和恩能逮下蘋蘩時

飭克佐精誠澣濯常衣允昭節儉箴規之益贊宵旰而  
彌勤貞順之風御家邦而式化方期永綏福履詎意頓  
隔音容月掩椒塗鑑亡蘭殿朕心傷悼率土悲哀懷哲  
思賢惓惓音於靡盡揚休宣譽垂鴻號於無疆彝典式  
遵崇褒用錫特以冊寶謚曰

仁孝皇后於戲聖善弘宣奕世頌禕禴之盛母儀脩美千  
秋耀琬琰之輝靈其有知膺茲光寵

寶文曰

仁孝皇后之寶

臣等謹按

冊謚

皇后之禮升祔

奉先殿茲恭錄

冊文

寶文備載是門

十八年四月癸酉升祔

孝昭皇后神主於

奉先殿先是十七年三月癸酉

聖祖仁皇帝諭禮部皇后鈕祜祿氏端懿夙著作配朕躬  
奉事

太皇太后

皇太后恪恭婉順殫竭孝忱正位宮闈節儉寬仁克襄內  
治芳型伊始淑德彌彰茲於康熙十七年二月二十六  
日崩逝追念壺儀良深痛悼宜有稱謚以垂永久著內

閣翰林院會同擬奏尋議上按謚法慈惠愛親曰孝聖  
聞昭達曰昭

皇后天性純孝睿德懋昭允足垂範萬世臣等博詢羣議

載考彞章謹擬

尊謚曰

孝昭皇后得

旨依議閏三月辛酉行

冊謚禮

皇帝制曰朕惟正兩儀之位資始允藉夫資生端萬化之  
原治外必先於治內故壺政修而家邦永賴坤貞著而  
品物咸亨緬懷懿淑之隆益念匡襄之德徽音長在盛  
典宜崇咸由紀美於休稱始克流光於奕世皇后鈕祜  
祿氏夙承華閥聿茂令儀暨正宮闈作朕良配履和思  
順端恪本於天懷體異居謙溫莊發乎至性奉

兩宮之定省愉婉彌殷襄

九廟之馨香敬共加篤衣䟽服澣首弘儉樸之風夜寐夙

興克佐盱眙之治博五常而仁能逮下循四教而慎以  
裊躬覽史披圖既婉徽於彤管含章蘊美洵叶吉於黃  
裳何圖掖殿之旋虛深痛儀型之永逝載考追崇之典  
式稽節惠之文諡以尊名表慈惠愛親之實詞難罄  
兼聖聞昭達之休懿德聿彰鴻名無忝特以冊寶諡曰  
孝昭皇后於戲炳丹青於百代至行堪師垂琬琰於千秋  
芳規丕著哀榮斯極寵命宜承

寶文曰



孝昭皇后之寶

十八年五月以改營

奉先殿遣官祇告恭奉

列祖

列后神牌暫安

太廟

二十年二月甲午以

奉先殿工竣遣官祇告

太廟乙未恭奉

列祖

列后神牌還御是日

聖祖仁皇帝親詣致祭行禮

二十七年十月辛酉恭奉

孝莊仁宣誠憲恭懿翊天啟聖文皇后神主升祔

奉先殿是日

聖祖仁皇帝親詣奉安

神位致祭行禮如儀

二十八年十一月辛酉升祔

孝懿皇后神主

奉先殿先是七月己酉

聖祖仁皇帝諭禮部皇后佟氏淑德夙成芳徽懋著侍奉  
皇太后克盡孝誠撫育諸子悉均慈愛禔躬敬慎御下寬  
仁式脩儀型宮闈胥化頃遵

慈諭作配朕躬尚期內治之永襄何意沉疴之難起茲於

康熙二十八年七月初十日崩逝  
賸懷懿範痛悼良深  
宜有稱謚以垂永久  
著內閣翰林院會同擬奏  
尋恭議上  
大行皇后

尊謚曰

孝懿皇后得

旨依議九月甲寅遣官祭告

太廟乙卯

命和碩簡親王雅布多羅信郡王鄂扎齋冊寶上

大行皇后尊諡

皇帝制曰道弘地載六宮資陰教之修化始人倫萬國仰  
母儀之重壺闈擅嫩音足嗣於前徽圖史流馨德常新  
於奕禩皇后佟氏英鍾戚畹瑞衍名宗克秉淵心協女  
箴之婉婉式昭玉度本天賦之溫莊自媯水以嬪虞比  
周京之纘女佐晨昏而將敬勤著鷄鳴溥鞠育以宣慈  
慶貽麟定仁能逮下木樛曲以堪縈志在進賢行參差  
而必采世方逢乎豐豫儉德滋彰名已冠乎宮庭謙懷

彌篤珮環有節恒贊宵衣織紵惟勞允師內職二南之  
風繼軌九御之屬傾心乃正坤維洵推哲配禕褕初御  
方期延祉於長秋總悵旋陳遽悼韜輝於永夜雖此日  
之芳華易謝而千年之令譽靡窮考古彞章稱茲顯諡  
聿煥丹青之采丕揚金石之光特以冊寶諡曰

孝懿皇后於戲溯淑型於桂館婉美姜任播嘉則於瓊章  
垂聲穹壤榮哀備具寵渥祇承

寶文曰

孝懿皇后之寶至是庚申

聖祖仁皇帝親詣祇告

三十八年十二月壬午重定

奉先殿祫祭禮是日

聖祖仁皇帝諭元旦諸臣俱齊人衆煩擾從

太廟請捧

四祖神牌往來朕心不安內閣會同內務府禮部太常寺  
考明代典禮議奏尋議覆明代奉先殿並無從太廟請

捧神牌之儀嗣後請遇元旦

聖節

奉先殿行禮時恭迎

太廟後殿

四祖神牌至

奉先殿行禮之處停止即於

太廟後殿照

奉先殿典禮供帛酒饔豆讀祝官遣官致祭從之



五十七年十二月乙未恭奉

孝惠仁憲端懿純德順天翊聖章皇后神主升祔  
奉先殿是日遣和碩誠親王允祉恭代行禮

雍正元年七月癸巳以加上

列祖

列后

尊諡恭修飾

奉先殿神牌遣官行禮

九月庚辰恭奉

聖祖合天弘運文武睿哲恭儉寬裕孝敬誠信功德大成

仁皇帝神主

孝誠恭肅正惠安和儷天襄聖仁皇后神主

孝昭靜淑明惠正和欽天順聖仁皇后神主

孝懿溫誠端仁憲穆奉天佐聖仁皇后神主

孝恭宣惠溫肅定裕贊天承聖仁皇后神主升祔

奉先殿是日升祔

太廟禮成

世宗憲皇帝更禮服詣

奉先殿恭捧

聖祖仁皇帝神牌諸王恭捧

四后神牌奉安於

奉先殿行致祭禮如朔望大祭儀

臣等謹按

孝誠仁皇后

孝昭仁皇后

孝懿仁皇后神主前此已先後升祔至是年八月己未恭

上

大行皇太后

尊諡曰

孝恭宣惠溫肅定裕贊天承聖仁皇后越九月庚辰恭奉

聖祖仁皇帝暨

四后神主同祔

太廟禮成復行升祔

奉先殿之禮

三年五月丙辰恭修飾

奉先殿神牌欽天監敬擇是月十九日申時修飾禮部奏  
派內務府大臣行禮恭捧

神牌交承修官敬謹修飾

八月丙戌以

孝恭仁皇后大喪三年禮終

世宗憲皇帝躬享

奉先殿釋服即吉先是七月己酉

諭禮部據奏八月二十三日

皇妣孝恭仁皇后服制期滿請照

皇考聖祖仁皇帝釋服之禮祫祭

太廟頒諭中外等語朕疊遭

皇考

皇妣大事追念罔極恩深莫由仰報三年以來祇於宮禁

中齋居素服默盡思慕哀感之忱非敢自謂遵循古禮  
更不欲宣播於衆也父母之喪人子之心則一而帝治  
之禮國家之制則殊今八月二十三日屆

皇妣孝恭仁皇后釋服之期著擇日於

奉先殿告祭自行家禮至於頒諭中外可不必行是日禮

畢

世宗憲皇帝御

乾清宮召諸王大臣入見

垂淚諭曰父母之恩鞠育顧復為人子者終身仰報不盡而朕荷

皇考

皇妣教育之恩尤為至深至厚誠所謂欲報之德昊天罔極也三年之中如祭祀朝會國家大禮不可曠缺朕不得已勉從諸大臣之請照例舉行不過於宮中持服以默盡其心而究未能盡此心於萬一也日月易邁已屆三載禮制有定而朕心無窮此一領素服朕衣之三年



今日更換不勝悽愴之至朕之一念豈但三年固結於中即終身之久亦斷不能忘也

九年十二月己亥恭上

孝敬皇后

尊諡遣顯親王衍潢理親王弘哲行禮先是十月甲午

世宗憲皇帝諭禮部皇后那拉氏作配朕躬經四十載奉

事

皇祖妣孝惠章皇后

皇考聖祖仁皇帝

皇妣孝恭仁皇后克盡孝忱深蒙

慈愛服膺朕訓歷久而敬德彌純懋著坤儀正位而小心

益至居身節儉待下寬仁慈惠播於宮闈柔順發於誠  
悃昔年藩邸內政聿修九載宮中德輝愈耀茲於雍正  
九年九月二十九日崩逝惓惓惟壺職襄贊多年追念懿  
徽良深痛悼宜加稱諡以永休光著內閣翰林院擬奏

尋議上恭惟

大行皇后肅雍德懋慈惠性成孝道盡於庭闈蒙

聖心之慈愛內則修於中閭佐

帝治以勤勞至敬允合乎坤儀厚德祇承夫乾健謹按謚

法慈惠愛親曰孝夙興恭事曰敬恭擬

皇后尊謚曰

孝敬皇后得

旨依議至是行

冊謚禮

皇帝制曰地弘厚載承乾道以時行月炳陰暉助曦輪而垂照正位彰母儀之盛化茂周南提躬備婦德之全名高嫺汭式稽令典宜表徽稱皇后那拉氏毓質粹和秉心柔順蘭闥式訓蹈女史之規型朱邸來嬪嫔天潢之禮度問安內殿盡孝謹於

先皇侍宴禁闈奉懼愉於

母后逮登大寶爰陟坤寧處貴逾謙居尊彌懋深懷恪敬凜夙夜於椒庭永念兢勤贊儆咨於黼座恩流九御頌

樛木之慈仁儉率六宮敦葛覃之澹約褱衣肅穆方期  
福履之綏璜珮渺茫忽感音容之隔乃頒綸命聿詔近  
臣考諡法之相符詢僉謀而惟允特以冊寶諡曰

孝敬皇后於戲播鴻聲於萬國采煥金函揚嫺行於千秋  
光騰瑤牒祇膺寵賁用具哀榮

寶文曰

孝敬皇后之寶

臣等謹按

孝敬皇后

冊諡之禮時在田村

饗殿舉行至十三年九月恭加上

尊諡乾隆二年三月始與

世宗憲皇帝同升祔

奉先殿

十二年八月

飭嚴稽察是月庚戌內務府總管和碩莊親王允祿等奏

奉先殿祭祀之期御史三保等於不應稽察時入殿稽察  
請交部嚴察議奏奉

諭內務府總管此奏甚屬悖謬稽察豈有一定之時不拘  
何時俱可稽察况三保等入內稽察並非正行

祭祀之時據伊等所叅是不欲令監察官稽察也即欲將  
三保等叅亦不至於嚴加察議著將允祿等交部嚴察  
議奏

十三年

命增定上香儀如

太廟禮

乾隆元年三月丙申以加上

列祖

列后

尊諡恭修飾

奉先殿神牌遣官行禮

二年三月癸巳恭奉



世宗敬天昌運建中表正文武英明寬仁信毅大孝至誠  
憲皇帝神主

孝敬恭和懿順昭惠佐天翊聖憲皇后神主升祔

奉先殿是日升祔

太廟禮成已時

皇上更禮服御補服由

景運門出至

誠肅門外降輿至恭修

神牌處詣

神位前跪行三拜禮和親王弘晝於榻扇外隨行禮畢

上恭捧

世宗憲皇帝神牌和親王弘晝恭捧

孝敬憲皇后神牌隨後由

奉先殿東門入升月臺正面東階進

殿東榻扇奉安

世宗憲皇帝神牌於西二間南嚮第一位

寶座上行禮畢

上就拜位立贊引官跪奉

孝敬憲皇后升祔

奉先殿叅拜

世宗憲皇帝和親王弘晝恭捧

孝敬憲皇后神牌奉安於拜褥上由西槅扇退出

上行三跪九拜禮畢恭捧

孝敬憲皇后神牌奉安於西二間第二位

寶座上行禮畢

上就位行升拊

奉先殿致祭禮如朔望大祭儀

七月乙巳以修

奉先殿興工恭奉

列祖

列后神牌暫安

太廟是日

皇上親詣

奉先殿祇告

十月戊申以

奉先殿工竣恭奉

列祖

列后神牌還御是日辰時

皇上出

景運門外跪迎

神牌隨至

奉先殿致祭行禮

十七年十月乙未升祔

孝賢皇后神主於

奉先殿先是十三年四月乙卯禮部恭議上

大行皇后

尊諡曰

孝賢皇后一應典禮照例舉行得

旨依議五月甲辰

皇上御

太和門

閱視

大行皇后

冊

寶

皇帝制曰內治丕昭夙播周南之雅化坤儀懋著宣揚

媯汭之芳聲稽茂典於容臺易名綦重備鴻章於閔  
寢命冊攸崇琬刻初呈瑤緘永煥惟

皇后祥鍾勲族教秉名宗柔嘉協圖史之規淑慎表珩  
璜之度荷

皇考之慈命作配朕躬蒙

皇妣之褒稱深嘉至性聿自坤寧正位每宵旰之相資常  
偕

萱殿承懽實清溫之是代奉



神靈之統克嗣徽音端宮府之型弘宣令聞禮修蘭館儉  
勤則躬曳練衣恩洽椒塗仁恕則澤均膠木綜平生  
之懿行莫罄揄揚薦壹惠之鴻名用垂久遠式循彝  
典爰布明綸在昔黔婁諡定於其妻亦越展禽誅傳  
於乃婦蓋由伉儷之篤匪朝伊夕以相從斯能纖悉  
無遺有美而文之備至追思

皇后之淑德惟朕知之為最深疇咨諡典之隆稱自朕  
衡之而允協惟賢與孝實乃兼優曰孝且賢詞無溢

美茲以冊寶諡曰

孝賢皇后於戲闡揚至行寸心可信於千秋約舉大端  
兩字實該夫衆善金章龍紐蘭宮之寶器猶新香檢  
鸞書黼帳之琅函肇設祇膺寵賁默鑒追思哀哉

寶文曰

孝賢皇后之寶至是年七月乙亥和碩莊親王允祿等  
奏禮工二部合奏

孝賢皇后升祔

太廟

奉先殿一摺臣等伏查

本朝康熙十三年

孝誠仁皇后山陵禮畢升祔

奉先殿未祔

太廟緣

本朝既建

奉先殿與

太廟同尊是以

考誠仁皇后大禮酌定升祔

奉先殿以安神爽臣等原議

孝賢皇后神牌升祔

太廟祇係據依戴禮今敬謹詳考具奏伏候

訓示奉

諭旨

孝賢皇后神主遵照

孝誠仁皇后之例奉安

奉先殿前一日甲午

皇上以

孝賢皇后升祔

親詣

奉先殿祇告

四十二年五月乙丑恭奉

孝聖慈宣康惠敦和敬天光聖憲皇后神牌升祔

奉先殿是日升祔

太廟禮成已時

皇上更禮服御補服由

景運門至

誠肅門外降輿進

神庫內詣

孝聖憲皇后神位前行一跪三拜禮恭捧

孝聖慈宣康惠敦和敬天光聖憲皇后神牌由

奉先殿東門入升月臺正面東階進

殿東榻扇奉安

孝聖憲皇后神牌於

孝敬憲皇后之次

寶座上行一跪三拜禮畢

上就位行升祔

奉先殿致祭禮如朔望大祭儀

臣等謹按升祔

奉先殿之禮屆期內務府執事官預至

後殿恭請

列聖

列后神牌奉安於

前殿寶座禮畢仍恭奉

還御寢室是日惟

孝賢皇后神牌不請御

前殿



皇上行禮畢派

皇子一人恭捧

孝聖憲皇后神牌進

後殿先時又派

皇子一人恭捧

孝賢皇后神牌出至穿堂祇候

孝聖憲皇后神牌至恭捧

孝賢皇后神牌跪接候過隨行進右第二間

寢室恭捧

孝聖憲皇后神牌至中向上立恭捧

孝賢皇后神牌東傍西向立贊引官跪奏

孝聖憲皇后升祔

奉先殿後殿神龕參拜

世宗憲皇帝

孝敬憲皇后

皇子恭捧

孝聖憲皇后神牌跪安於拜褥上恭代行三跪九叩禮贊

引官跪奏請

孝聖憲皇后神牌陞

寶座

皇子恭捧

孝聖憲皇后神牌奉安於

世宗憲皇帝神牌之右行禮如常儀畢贊引官跪奏

孝賢皇后參拜

孝聖憲皇后

皇子恭捧

孝賢皇后神牌跪安於拜褥上恭代行三跪九叩禮畢

贊引官跪奏

孝賢皇后神牌還御寢室

皇子恭捧

孝賢皇后神牌御左第三間寢室行禮如常儀

四十八年十月丙子

上以四詣

盛京恭謁

祖陵禮成

回鑾告祭

奉先殿先是九月己亥奉

諭旨朕於十月十七日回鑾十八日告祭

奉先殿在

前殿行禮所有祭文交翰林院另行敬謹撰擬至是

親詣行禮如朔望大祭儀

祭文曰祥開豐鎬景仰

垂模禮備苾芬肅將成事昨日以時巡豳館祇謁

橋山瞻

締造之丕圖抒覲揚之夙悃謹尊藏乎

冊

寶慶鞏固於金湯臨朝會而緬想

聲靈撫盈寧而常涵

惠澤恪遵彝典還覲

闕宮凜億禋之績承彌殷繩

武紹

五朝之佑啟特重申禋設展吉蠲虔申昭告伏祈

聖鑒謹言

臣等謹按我

朝建

奉先殿崇祀

列祖

列后凡遇

聖誕忌辰朔望令節以及

冊立

冊封

謁

陵

巡狩



回鑾諸大慶典莫不以時祭告虔申拜謁然情展家庭  
皆於

後殿行禮上香故不備書茲恭逢我

皇上四詣

盛京恭謁

祖陵禮成

回鑾涓吉昭告特於

前殿行禮念

前嶽而紹

先猷觀

耿光而揚

大烈

道隆繼述禮重申禋

聖孝之崇允足垂則萬古故恭紀之以昭

繩

武饗

親之盛典焉

皇朝文獻通考卷一百十六